

GAS-LATÄRNE



Mys Motto

He du.....! Macht das ä Sinn?
Ig ha nüt aus,- ganz fuls Züg im Gring!
Ds Motto chunnt,- vo de üble Grüch!
Us em Gas,- git's Liecht u fuli Sprüch.
Dr Gschtank mache die,- wo sich wei profiliere,-
die tüe so fuli Fürz verliere!

Schnitzelbank-Programm 2022

Zur Veröffentlichung
in der Fasnachts-Ausgabe dieser Zeitung.

Bitte wählen Sie Textteile nach Ihrer Wahl.



Trump-Margge

**In USA ziert,- Trump's Konterfei ä Margge.
So chönni siner Fans ihm besser,- i Arsch ine grage!
Die Trump-el-freaks,- mache's mit dr Zunge äbe.
D'Margge aber blib,- o nach langem Schläcke garnie chläbe!
Ä Analyse het du beleit: dr Chlääbstoff wär perfäckt,-
nume wird vo dene durend,- die lätzi Site gschläckt!**



Nid küsse?

**Dänk'sch du zrugg,- de drück'sch no Träne wäg!
Corona het üses Läbe vermiest,- ganz ohni Gag!
Vom Bundeshus,- befolge ig fasch jede Rat.
Aber Maske? Nid Knuddle u Küsse,-? Isch Scheisse i dr Tat!
Ig hätt drum ä Vorschlag,- für üsi Gsellschaft z'rettä:
küß nume no Fudibacke! De blib'sch zwäg,- wei mer wettä?**



Porzellanphobie

**Rot u Grünen,- üsi Schtadt-Bärn Regierig.
 Sehr klimafründlech,- doch mängisch find ig se z'gierig!
 D'Outo wäg,- u nume Velo isch chrank u o vermässe,-
 jitz han ig dr Fachusdruck,- vor Chrankheit glatt vergässe!
 Porzellanphobie! Ig weiss es,- Gott sei Dank!
 Bärndütsch gseit: die hei nid aui Tasse im Schrank!**



Glüehwy

**Dr Zibelemärit,-? Isch lang scho gloffe!
 Gseh'sch fasch kei Zibele,- die si vorhär scho ersoffe!
 Drum isch d'Stimmig,- bescheide i de Gasse.
 Äs git o nume "Glüeh",- sogar dr Wy dä muesch vergässe!
 Nume Ziebelechueche u Chnoblbrod,- hei mer intus drum.
 Wo dr Tschugger d'Nase inhänkt,- houts wenigstens dä no um!**




Fasnachtsbär

**Viu Geduld,- verlangt me vom Fasnachtsbär!
Vor luter Coronapfuuse,- weiss dä nüm, wie Fasnacht wär!
O mi verjagt's,- verlüre jitz de grad d'Geduld!
Mir Löle si haut z'weni fräch,- u sälber tschuld!
Chänte mir nämlech,- aui zäme uf de Schi,-
wär o d'Fasnacht ganz normau,- u i dreine Täg verby!!**



Gsichtsmaske

**Me tuet sech schwär,- es bruchti Lüt vom Fach!
Wüu Maske boue,- wär doch reini Narresach!
D'Sicht verdeckt,- wüu d'Brüue louft dr ah!
Dr Gummizug dä spannet,- laht dr d'Ohre useschtah!
I bi verwirrt,- gloube uf dr Gass per se,-
nume luter Prinz Charles,- verbyloufe z'gseh!**



Staatssicherheit

**Vernimsch vor Press: d’Kryptoleak heig üs verrate!
 Bir Ruag sig Haker,- a ds’Gheimschte vor Schwiz anegrate!
 Gwüsst dervo,- heig si z’Zug u es paar vom Bund.
 Derwäge isch üsi Staatssicherheit,- sicher uf em Hund!
 Das das bis i hingerscht Chrache,- aui genau glich gseh,-
 da dranne schaffet z’ Mitholz,- üsi Armee!**



“lieber Tee”

**Ir Gass da dröhnts,- äs räblet wie’ne Moore!
 Ig wär für Ghörschutz,- für aui Bärner-Ohre!
 “Gäge Durscht äs Bier?” Uf my Frag d’Antwort, per se,-
 überhaupt nüt Gschieds,- aber sie hätte “lieber Tee”!
 Ig bi im Zwiefel,- d’Wahrnämig macht mer Müh!
 Trychle trage doch süsch,- nume die allergröschte Chüeh?!**



Klima Gretä

**D’Klima-Gretä,- tuen ig nid vermisse.
 Doch verschtahn’ig die,- dere geits totau verschisse!
 Am Covid19,- schänke aui ds voue Interässe!
 Sorry Gretlä, mir hei grad d’Rettig,- vom Klima vergässe!
 Geisch aber brav i Gymer,- chasch sicher jitz no lehre,-
 dass sech o d’Dinosaurier,- nid hei chönne wehre!**




Bundesrats-Jet

**Ds EU-Dossier,- es närvt üs aui chräftig!
 U d’Verstimmig gäge d’Schwiz,- beurteile ig aus heftig!
 Dr Schi-Zirkus,- dicht a dicht im Bärner Oberland,-
 spielt dr Schwiz o nume,- negativi Pünkt i d’Hand!
 So belade hätt ig o,- kei Luscht zum Deelee,-
 würd o lieber im Bundesrat-Jet,- russich Roulette spiele!**




Verlobe ?

**Corona sei Dank! Dr Bewies dass öpis Guets dran het!
 Äs steigeret nachwiesbar,- üsi Aktivitäté im Bett.
 Vorhär verlobe? Dä Zueschtand chasch äuä striche!
 Das wär doch ähnlech,- oder chasch's o so vergliche:
 Wird dir ds Wiehnacht,- äs Velo gschänkt,-
 u darfsch bis Oschtere nume lütä,- wär doch o beschränkt!**



E-Mobilität

**Bisch im Trend,- o stürtechnisch würd sech's lohne!
 Mit E-Mobility chönnt'sch sogar,- no d'Umwält schone!
 Doch chunnsch nid wit,- die bangi Frag wo jitze drängt:
 Het's ächt Ladestatione? U ob's bis dert no längt?!
 Drum merk dr eis: "entledigt bist,- des schwarzen Rauches,-
 i de Hose aber d'Angscht,- wüu: "chli stinke mues es"!"**



Berlusconi

**Dr Silvio,- gluschtets wieder ds kandidiere!
Für e Sitz vom Schtaatspresi,- het är's wöue probiere!
D'Visage pflegt,- u d'Häärli schön grad kämmt!
Doch bim Vital-Check,- wird är plötzlech ghemmt!
Dr Arzt dä meint: Mou! Pfyffegrad u totau geil!
Bruchsch aber ds Hirni zum Regiere! Nid dä Körperteil!**



Wo si üsi Gsetz?

**Geit's um Forälle,- oder um'ne Deponie?
wo kontrolliert sött wärde,- herrscht reini Kakophonie!
Das wird dr klar,- wo'd häre luegsch isch grad egal,-
verchouft wird sowieso,- jedi Camionnage aus legal!
D'Behörde versufe im Chaos,- vo ihrne Kompetänze,-
drum vergiss Kontrolle! Die hei einzig ihri dicke Ränze!**

Letschi Kreatione (ohni Helge)

Blutt umeloufe

Sit zwöi'ne Jahr,- u gloub paar Wuche meh,-
hei mer coronamässig keiner Lippe,- u so,- meh gseh!
Jitz ghörsch vom BAG,- me chönn entspanne,- sich erlöse!
Me dörf jitz die Körperpartie,- ändlech wieder entblösse!
Dir! Die Message isch am Volk,- nüm so eifach z'verchoufe!
Das heisst ja fasch,- me söu blutt umeloufe!

Närrisch's Exgüse!

Sorry FasnachtsModis,- u o aui FasnachtsGiele!
Ha mini Vortragszyte i d'Lische itreit,- bi am Pressiere!
Vor luter jufle,- fliesst z'Bluet vom Hirni gäg abe zum Teil!
Bärndütsch seisch däm Zueschtand,- normalerwys affegeil!
Gsehsch's anders brächti's d'Modis,- fescht zum Schmunzele!
I däm Zueschtand hesch drum,- unde düre keini Runzele!



Testosteron-Ragete

**I jedem Egge,- gsehsch hüt bau nume no Desbote!
Vom KGB übrig: die hirnverbrönnti Testosteron Ragete!
Absetze nid müglech! Oder vielech öppe doch?
Mit em Elon ga Wältrumreise? Gredi i'nes schwarzes Loch!
Ä andere Wäg dä z'stoppe,- isch nutzlos, zeigt weni Mum!
Gift hilft o nüt,- dä sniffet Novitschok u suft Polonium!**